

240. *Dico III.* Fundamentum Quesnellismi conquiescit in tribus principiis, quæ correspondent tribus capitibus, in quæ sicut articulos damnatos, sic etiam omnem Quesnelli doctrinam divisimus; quod enim supra de Jansenii libro dictum est, ejus compendium quasi in quinque damnatis propositionibus exhiberi; id etiam hic dici potest, nempe 101. propositiones Quesnelli damnatas totum complecti opus Reflexionum moralium cæterasque ejus elucubrationes. Est autem respectu *capitis 1^a.* circa *gratiam*

I. Principium. Duplex in præsenti statu naturæ lapsæ est *delectatio indeliberata*: altera *coelestis* ad bonum, altera *terrena* ad malum; quarum altera præponderante voluntas movetur ac rapitur ad id, ad quod delectatio propendet. In hoc Quesnelli Jansenium sequitur, eum centies in suis *memorialibus* et *apologeticis* tuerit, et cum eo prepostere usurpat celeberrima S. AUGUSTINI verba: *Quod amplius nos delectat, secundum id operemur, necesse est.* Atque hinc in plurimis Quesnelli articulis 43. prioribus aperte profertur propositiones Jansenii damnatae, presertim 2^a. et 5^a.

II. Principium, quod pertinet ad alterum de *virtutibus theologicis* etc. caput, est: Nullus *amor mediis* est inter supernaturalem *charitatem*, qua Deus gratis et propter se diligitur, ac inter vitiosam *cupiditatem*. Ex hoc enim tanquam corollaria fluunt, quæcumque de fide, spe, oratione, obedientia, timore aliquis sine charitate inutilibus, imo vitiosis edixit Quesnelli; sequutus in eo ducem *Baium*, qui idem principium, articulo 44. inter 101. propositionem, exhibuerat in prop. 38. a Pontificibus PIO V. GREG. XIII. et URB. VIII. damnata.

Jansenius quidem eumdem errorem sœpius, maxime L. 5. de gr. Chr. c. 6. docuerat; cum tamen eumdem non penitus in materia de charitate cum Quesnello consentire ostenderit P. Fontaine ad art. 44. in Const. Unig. theologicæ propugnata, in hoc punto ducis partes *Baii* potius, quam *Jansenio* tribuendas putamus. Cæterum si altius ascendere lubeat, utriusque magistrum reprehendemus *Calvinum*, qui in Antidoto ad Sess. 6. Can. 25. *Dei iudicio*, inquit, *nihil est sincerum, nihil probum, nisi quod ex perfecto ejus amore manat.* Et ad Can. 31. *Cum ingenuam a filiis suis obedientiam requirat Deus, servile ejusmodi obsequium* (nempe spe cœlestis retributionis præstitum) *non repudiabit modo, sed procul etiam rejicit.*

III. Principium, ad tertium de Ecclesia caput spectans, est illud prouinquitum: Ecclesia auctoritatem excommunicandi habet, ut eam exerceat per primos Pastores, de consensu saltem presumpto totius corporis. Quamvis enim hoc radicis locum non habeat, ex qua, quod de Ecclesia ipsa et ejus disciplina erronee effutuit, deducatur; id tamen si valeat, habebit Quesnelli, quo. damnationes Ecclesiæ et censuras omnes circa suas propositiones omnes earumque assertores eludat. Desumptum autem illud est ex damnato Edmundi *Richerii* Doctoris Sorbonici libello an. 1611. edito de *Ecclesiastica et Politica Potestate*. Quas enim is eo in libro contentas propositiones contra sanctam Sedem Apostolicam contumeliosiores in palinodia posteriori retractavit, earum ad præsentem materiam spectantes numerantur haec quinque:

1^a. Christus, suam fundando Ecclesiam, prius, immediatus et essentialius claves seu jurisdictionem toti dedit Ecclesiæ, quam Petro et aliis Apostolis.

2^a. Tota jurisdictione Ecclesiastica primo, proprie et essentialiter Ecclesiæ convenit: Romano autem Pontifici atque aliis Episcopis instrumentaliter, ministerialiter et quoad executionem tantum, sicut facultas videndi oculo competit.

3^a. Christus non tam Petro uni, quam unitati infallibilem clavium potestatem detulit.

4^a. Status Ecclesiæ ab ejusdem regimine distinguitur; status enim monarchicus est etc. Regimen vero aristocraticum etc., quia omnium optimum et natura convenientissimum.

5^a. Petrus claves jurisdictionis accepit a Christo Domino, non pro se, sed pro Ecclesia et nomine totius Ecclesiæ; non ut pastor oecumenicus et princeps, sed ut minister tantum et executor decretorum Ecclesiæ. Quanquam, cum ipse *Richerius* in damnatione harum propositionum profiteatur, earum dogmata ex putridis *Calvini*, *Lutheri* et *Hussi* fontibus a se fuisse hausta, abunde liquet, quosnam prædicti principii auctores primos laudare conveniat.

241. *Dico IV.* Sententia contra Quesnellismum lata ex condemnatione Reflexionum moralium in N. T. Pontificia, et aliis circa eamdem tum Conciliorum, tum Pontificium sub diversa ratione confirmationibus perspicitur.

1. *Condemnatio Libri Reflexionum moralium 1^a.* a CLEM. XI. in Brevi 13. Jul. an. 1708. his verbis pronuntiatur: *Sacrum ipsum N. T. textum exhibet damnabiliter, nec sine ausu temerario vitiatum, et alteri versioni Gallicæ, dudum a fel. rec. Clemente Papa IX. prædecessore nostro per quasdam suas in simili forma Brevis die 20. April. 1668. expeditas litteras damnatae, in multis conformem, a vulgata vero editione, que tot seculorum usu in Ecclesia probata est, atque ab orthodoxis omnibus pro authentica haberi debet, multipliciter discrepantem et aberrantem: notas insuper et observationes continet, habentes quidem speciem pietatis; sed ad virtutem ejus abnegandam subdole deducentes, in quibus passim occurunt doctrinæ et propositiones seditiosæ, temerarie, perniciosæ, erroneæ, alias damnatae, et Jansenianam heresin manifeste sapientes.*

2^a. In Constitutione *Unigenitus* die 8. Sept. an. 1713. ab eod. CLEM. XI. edita. In ea Pontifex de doctrina libri Quesnelliiani sic post Bullæ exordium enuntiat: *Et quidem ad ipsam ingruentis mali causam provide nostræ considerationis intuitum convertentes, perspicue novimus hujusmodi libri perniciem ideo potissimum progredi et invalescere, quod eadem intus lateat, et velut improba sanies non nisi secto ulcere foras erumpat; cum liber ipse primo aspectu legentes specie quadam pietatis illiciat; molliti enim sunt sermones ejus super oleum, sed ipsi sunt jacula; et quidem intento arcu ita ad nocendum parata, ut sagittent in obscuro rectos corde. Nihil propterea opportunius aut salubrius præstari a nobis posse arbitrati sumus, quam si fallacem libri doctrinam generatim sollemmodo a nobis hactenus (nempe in Brevian. 1708.) indicalam, pluribussingillatim ex eo excerptis propositionibus distinctius et apertius explicaremus, atque universis Christi fidelibus noxia zizaniorum semina e medio tritici, quo tegebantur, educta velut ob oculos exponeremus. Ita nimur denudatis et quasi in propatulo positis, non uno quidem aut altero, sed plurimis gravissimisque tum pridem damnatis, tum*

etiam nove ad inventis erroribus, plane confidimus benedicente Domino fore, ut omnes tandem aperte jam manifestaque veritati cedere compellantur.

Enarratis deinde sollicitationibus ad ferendam sententiam factis, et 101. propositionibus recitatis ita prosequitur: *Omnis et singulas propositiones praeinsertas, tanquam falsas, captiosas, male sonantes, piarum aurium offensivas, scandalosas, perniciose, temerarias, Ecclesia et ejus praxi injuriosas, neque in Ecclesiam solum, sed etiam in Potestates seculi contumeliosas, seditiones, impias, blasphemias, suspectas de heresi, ac heresim ipsam sapientes, nec non hereticis et heresis ac etiam schismati faventes, erroneas, heresi proximas, pluries damnatas, ac demum etiam hereticas, variasque hereses et potissimum illas, quae in famosis Jansenii propositionibus et quidem in eo sensu, in quo haec damnatae fuerunt, acceptis continentur, manifeste innovantes, respective hac nostra perpetuo valitura Constitutione declaramus, damnamus et reprobamus.*

Porro infra de aliis libri propositionibus subjicit: *Cæterum per expressam præfatarum propositionum reprobationem alia in eodem libro contenta nullatenus approbare intendimus, cum præsertim in cursu examinis complures alias in eo deprehenderimus propositiones, illis, quae ut supra damnatae fuerunt, consimiles et affines, iisdemque erroribus imbutas, nec sane paucas etc.*

II. Confirmatio tum hujus Constitutionis, tum factæ per eam condemnationis, reperitur imprimis in plurimis ad hanc usque ælatem nostram Pontificum summorum Declarationibus ac Brevibus. INNOCENTIUS XIII. quidem decreto Rome die 8. Jan. 1722. promulgato Constitutionem *Unig.* amplissime confirmavit, contrariamque illi epistolam a septem Galliæ Episcopis anno priore ad se datam meritis censuris confixit et damnavit, tanquam continentem multas propositiones Episcopis Catholicis, præsertim Gallicanis, memoriae Clementis XI., Apostolice Sedi injuriosas omnino, schismaticas et heretico spiritu plenas.

BENEDICTUS XIII. autem idem luculentius præstitit in Synodo Romana sub suo præsidio celebrata, et Ebredunensi plenissime a se confirmata. Ejusdem generis specimen videre licet in Brevibus CLEMENTIS XII., altero an. 1731. in signum sue benevolentiae ac paternæ charitatis ad Facultatem sacram Parisiensem dato, altero, quo an. 1734. Mandatum Antissiodorensis Episcopi confixit.

Perspectum denique est adeo BENEDICTI XIV., qui munus Apostolicum tanta cum laude gessit, studium singulare ad doctrinæ fidei puritatem tuendam, ut eam in rem non unas tantum aut alteras litteras, sed integrum jam Decretorum præclarissimorum Tomum publicis typis evulgatum adducere licet.

Præterea vero confirmatio eadem extat in Conciliis supra jam nominatis. ROMANUM enim tit. 1. c. 2. ad rem nostram his verbis utitur: *Cum ad fidei Catholicæ professionem integre inviolateque retinendam et custodiendam necessarium summopere sit, ut succrescentes per haec recentia tempora circa eamdem fidem errores, a Sede Apostolica damnatos, fideles omnes vigilanti studio præcaveant et abominentur; idcirco ab omnibus Episcopis et animarum Pastoribus tota, ut hactenus, sollicitudine curandum est, ut Constitutione a s. m. Clemente XI. edita, quæ incipit: Unigenitus, ab omnibus cujuscum-*

que conditionis et gradus, omnimoda ac debita obedientia et executione observetur etc.

AVENIONENSE ad Romani exemplum similia urget et tit. 2. Serio invigiletur, inquit, ne quis e Provincia Clero ad sacros ordines, ad beneficia, maxime curam animarum habentia, et ad sacrorum quorumcumque administrationem admittatur, quin de ejus sincera supradictæ Bullæ Unigenitus acceptatione, de debita et omnimoda obedientia, legitimis, pro Episcoporum conscientia et judicio, constituerit argumentis.

EBREDUNENSE demum Sess. 5. hoc de dieta Bulla promulgavit Decretum: *Constitutio Unigenitus, qua centum et una Quesnelli propositiones damnatae sunt, cui suffragata est universalis Ecclesia, est dogmaticum, definitivum et irrettractabile judicium illius Ecclesie, de qua divino ore dictum est: Portæ inferi non prævalebunt adversus eam. Si quis igitur eidem Constitutioni corde et animo non acquiescit, aut veram et sinceram obedientiam non præstat, inter eos habeatur, qui circa fidem naufragaverunt, etc. Provocatio vero a dicta Constitutione ibidem declaratur ipso jure irrita, scandalosa, schismatica, jam damnatis erroribus favens, Sedi Apostolicae et Ecclesie injuriosa.*

Huc etiam referri possunt Comitia Generalia Cleri Gallicani, in quibus Præsulum numerus nonnunquam centenario accessit, vel eum exæquavit; quorum ingentes pro Bullæ confirmatione et damnatione Quesnellismi labores sera posteritas debitibus laudibus semper prosequetur.

Tandem et postremo latissime diffusa est per universam Ecclesiam ultraque confirmatio. Liquet id ex luculentis omnium ferme orbis Catholici Metropolitanorum testificationibus, quibus diserte declarant, se suosque Suffraganeos dictæ Constitutioni UNIGENITUS constanter adhærere; eamque pro recta ac sancta lege tenere, cui omnes fideles integrum mentis obsequium exhibere tenentur. Documenta hec asservantur in Regia Bibliotheca Parisina, edi vero curavit Card. et Archiepiscopus Mechliniensis in volumine gallice inscripto: *Testimonia Ecclesiæ universalis in favorem Bullæ UNIGENITUS.* Ex eo pro Germania Ecclesiæ hæc retulisse sufficiat.

Archiepisc. et Elector MOGUNTINUS ad Card. de Bissy ita 14. Mart. 1718. scribit: *Certam facio Eminentiam vestram, quod Constitutio Unigenitus jam ante annos aliquot in mea Archidiœcesi non minus, ac in meo Episcopatu Bergensi fuerit promulgata; quodque utrobique secundum omnes partes ab omnibus tanquam doctrina Ecclesie suscepta sit ea obedientia, quæ S. Sedi debetur. Neque aliter sentire Episcopos, Suffraganeos meæ Metropolis, novi.*

Archiep. et Elector TREVIRENSIS in Mandato 22. jun. 1717. reprobat uti Ecclesia et pacis perturbatores eos, qui a Clementina Bulla ad futurum Concilium provocant; ac specialiter declarat, neminem posthac ad ullum admisum iri ministerium Ecclesiasticum, nisi declaraverit, se dictam Bullam ea, quæ par est, integritate et devotione recipere, ejusque tenorem quoad omnia sequi, nec eidem in minimo directe vel indirecte contrarie velle.

Archiep. et Elector COLONIENSIS, qui una erat Leodiensis ac Ratisbonensis Episcopus, solemani Mandato die 29. Jan. 1715. Constitutionem UNIGENITUS promulgavit, eosque nomine Catholicos indignos pronuntiat, qui debitam dictæ Constitutioni obedientiam detrectent.

Archiep. SALISBURGENSIS, Germaniae Primas, epistola ad Card. de Bissy die 21. Oct. an. 1717. Certissimum est, inquit, quod Episcopi mei Comprovin-

ciales ad meum exemplum Constitutionem UNIGENITUS vestiment et habeant tanquam aquissimam, illique profundissima cum veneracione adhaerant.

His addi meretur recentius testimonium, nempe acceptationis formula an. 1740. ab Episcopo et Capitulo LEODIENSI prescripta, cuius hic est tenor: *Ego accepto pure, nude et simpliciter absqueulla restrictione, ne quidem mentali, Constitutionem fel. rec. Clementis Papae XI. quæ incipit: Unigenitus, tanquam legem dogmaticam Ecclesiæ et regulam fidei, condemnoque centum unam propositiones ex libro vulgo Reflexiones Morales extractas in omnibus sensibus ac qualificationibus, sub quibus praedicta Constitutio illas condemnavit. Et ita juro. Sic me Deus adjuvet, et hæc sancta Dei Evangelia.*

ARTICULUS VII.

AN CONSTITUTIO UNIGENITUS SIT SENTENTIA ET DEFINITIO DOGMATICA: AN LEX TANTUM ET REGULA DISCIPLINÆ VEL OECONOMIE.

242. *Nota.* Inter dogmaticam definitionem et meram legem disciplinæ id discriminis intercedit, quod illa credendum aliquid proscribendum proponat, judicium universale ad omnes Ecclesias et fideles directum inviolabili ferat, non meras voces, sed doctrinam pro objecto habeat, præterea etiam a legitimo superiore debito modo feratur; cui quidam accedere exigunt consensum Ecclesiae. Haec vero intelligitur, si vel ex illis requisitis aliquid desideretur, vel maxime, si sententia ad usum duntaxat doctrinæ vel propositionis pertineat, adeo ut censura tantum sit propter abusum vel periculum dissensionis, aliarumque turbarum; quod si abesset, etiam ipsa doctrina, quæ in se vera ac bona est, rursus defendi posset.

Porro duplex est Quesnelliistarum circa hanc materiam sententia vel potius aberratio. 1^a. *Rigidiorum*, qui Bullam *Unigenitus* fatentur esse definitionem dogmaticam, sed simul tanquam iniquam, malevolam et falsam impugnant. 2^a. *Molliorum*, qui quidem eam Bullam acceptant, sed ut meram disciplinæ legem, cui proinde interior mentis assensus non sit necessario tribuendus; quod ipsum nihil aliud est, quam decretum Pontificium exterius quidem suscipere, interius vero et reipsa explodere.

Priorum errorem hic non oppugnamus, utpote ad quod requireretur, singularum propositionum condemnatarum falsitatem aut virus ostendere, quod Auctores num. 239. laudati jam perfecerunt. *Posteriorum* vero tum errorem, tum erroris fundamentum breviter delibabimus, quod in eo stat: Constitutioni predictæ non convenire characterem judicii dogmatici, quia in ea propositiones dantur duntaxat *in globo* sub censuris variis *respective*, atque hinc nullum dogma distincte definiatur, nullusque error clare proscribatur; id quod tamen tanquam essentiale quid in quocumque veri nominis dogmatico judicio desiderari prætendum.

243. R. I. Bullæ *Unigenitus* non est mera disciplinæ vel oeconomie lex, sed proprie dicta *dogmatica definitio*.

Ratio est; quia habet omnes conditiones ad dogmaticum judicium requiras. 1^o. *Enim* proponit aliquid *proscribendum*, ut patet tum ex scopo, quem

Pontifex in Bulla post exordium proponit, et num. 241. recitavimus: tum ex ipsis notis et qualificationibus 101. propositionum, quas ibidem protulimus. Præterea proponit etiam aliquid *credendum*, nempe nullam esse ex damnatis propositionibus, quæ non mereatur saltem aliquam e censuræ notis, quæ in Bulla exprimuntur: et vicissim nullam ex assignatis censuris esse, quæ ad minimum alicui propositioni non competit.

2^o. Fert judicium universale ad omnes directum; ut probat vel ipsa Bullæ inscriptio: *Universis Christi fidelibus*; et verba judicati: *Mandantes omnibus utriusque sexus Christi fidelibus*, etc. Porro inviolabile ferri judicium testatur tum illud comma: *hac nostra perpetuo valitura Constitutione*; tum ipse scopus et materia in superiore conditione proposita.

3^o. Habet pro objecto non verba, sed *dogma et doctrinam*; ut ex sola inspectione propositionum damnatarum manifestum est, et conceditur ab ipsis Quesnelliianis; e quibus olim Card. Noallius approbationem 12. articulorum a BENEDICTO XIII. postulans, rem hic agi dicebat de necessitate fidei in mediatorem Christum: de Christi morte ac Dei voluntate pro salute omnium: de necessitate, potentia ac gratuita dispensatione Salvatoris Jesu: quidque de regulis observandis in administratione Sacramenti Pœnitentie sentendum sit, tenendum ve.

4^o. Latum est a *legitimo Superiore*, nempe Summo Pontifice, et quidem debito modo, scilicet, ut Pontifex in Bulla loquitur: *Hinc aspirante Domino ejusque coeli ope confisi, salutare opus sedulo diligenterque, ut rei magnitudo postulabat, aggressi sumus; ac plurimas ex praedicto libro, juxta supra recentissimas respective editiones, fideliter extractas, et tum gallico, tum latino idiomate expressas propositiones a compluribus in sacra Theologia Magistris, primo quidem coram duobus ex Ven. Fratribus nostris S. R. E. Cardinalibus accurate discuti: deinde vero coram nobis, exhibito etiam aliorum plurium Cardinalium consilio, quam maxima diligentia ac maturitate, singularum insuper propositionum cum ipsomet libri textu exactissime facta collatione, plures iteratis Congregationibus expendi et examinari mandavimus. Sub junctis posthac propositionibus ita prosequitur: Auditis itaque tum voce, tum scripto nobis exhibitis prafotorum Cardinalium aliorumque Theologorum suffragiis, divinique imprimis luminis, privatis ad eum finem publicisque etiam indictis precibus, implorato præsidio etc.*

5^o. Sortita est Constitutione Ecclesiæ consensum; utpote quam secundum dicta n. 241. tanquam dogmaticam definitionem agnoverunt et prædicarunt præprimis Summi Pontifices omnes CLEMENTEM XI. subsecuti, Synodi Romana, Avenionensis et Ebredunensis ea de re habitæ, Gallicani Præsules variis in Comitiis et Mandatis pastoralibus, quorum Collectio impressa est Parisiis an. 1713., denique orbis Catholici Metropolitani cum suis expresse aut facite consentientibus Suffraganeis, accendentibus insuper plerisque sacris Facultatibus.

244. R. II. Bullæ *Unigenitus* non deest character definitionis dogmaticæ ex eo quod contra Quesnelli propositiones latæ fuerint censuræ, ut aiunt, *in globo*.

Ratio est; quia hic defectus nec est juris, nec facti. Non est 1^o. defectus juris; quia per ejusmodi censuram *in globo* imprimis propositiones omnes constat esse rejiciendas: deinde intelligitur, nullam esse censuram, quæ